



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 16. Papa in Columnenses vehementer indignatus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

tum vero, quod palam facere erat prohibi-
 tum, nequaquam tabulis inferebatur: Sæcul. XVI.
 A. C. 1556.
 quamvis idipsum postea inter accusa-
 tionum capita, ob quæ Caraffa sub Pau-
 li IV. successore fuerat condemnatus, re-
 censeretur: eidem enim crimini datum,
 quod absque Patru sui jussu Galliarum
 Regem eo induxisset, ut hic Italiam in-
 festis armis devastaret.

§. XVI.

*Papa in Columnenses vehementer in-
 dignatus.*

Priusquam Legati sese itineri accin-
 gerent, Pontifex in publico Purpu-
 ratorum Senatu in Columnenses vehe-
 menter insurgebat, eosque velut impios
 traducens, quod eorum Majores semper
 Sacræ Sedi infesti fuissent, ostendere
 nitebatur, speciatim vero declamabat in
 Ascanium eo tempore Neapoli capti-
 vum, qui Clementem VII. olim in arce
 oppugnaverat, & cum Hispanis urbem
 diripuerat. His præmissis in Marcum
 Antonium Ascanii fratrem accerrime
 invehebatur, eo quod hic paternis vesti-
 giis insistens scelerate grassandi princi-
 pium ab ipso parente fecerit, eumque
 illo impietatis modo spoliaverit, quo
 nunc sacrilega, & detestanda in Pon-
 tificis, ac Sacræ Sedis perniciem con-
 silia agitet: his motus Papa ipsum bene-

A a 4 ficiis

Sæcul. XVI.
A.C. 1556. ficiis ex plurimorum Pontificum gratia concessis indignum pronuntiabat, & bona tam Patris, quam Filii proscribens, evulgato diplomate admodum acerbo, eos diris devotos sacrae censuræ subiciebat, imo nec multo post Montorium Comitem Nepotem suum Paliani Ducem solenni ritu creabat, atque bona fisco adjudicata, & intra ditionem Ecclesiasticam sita eidem concedebat.

Tandem anathema etiam vibrabat in eos, qui eisdem auxilium præbere, vel illos defendere præsumerent. Re comperta Marcus Antonius in Neapolis Regnum secessit, ubi perbenigne exceptus illud subinde reliquit, ut in ditiones, quibus fuerat exutus, populabundus excurreret.

Sub idem tempus Pontifex Urbina-
tis Ducem a ditionis Ecclesiasticæ Re-
gimine amovit, ac Montorium Comi-
tem Ecclesiæ Governatorem nomina-
vit, tradito baculo hujus dignitatis in-
signi: Comitis autem Filio adhuc pue-
ro Cavium, quod oppidum Columnen-
sibus olim parebat, unacum Marchio-
nis titulo attribuit. Ceterum Caraffa
Cardinalis suum discessum unice ideo
differebat, ut Petri Strozii, sub cujus
imperio nuper stipendia merebatur, ad-
ventum præstolaretur, eoquod hic Re-
ginæ sanguine junctus apud Gallos ma-
gno

gno in honore habitus Hispanis palam adversaretur. Hic idem tum intentus erat, ut civitatem veterem, Antium (*) & Palianum, quibus urbibus Columnnes nuper fuere spoliati, propugnaculis firmaret, quocirca adductis muniendarum civitatum peritis loca, quæ pro munimentis ibi exstruendis apta erant, designabat, ac Palianum annona, aliisque ad sustinendam obsidionem necessariis, si forte Columnnes hanc urbem aggredi molirentur, instruere jubebat, nam hisce propugnaculis summus Pontifex re ipsa ditionis Ecclesiasticæ fines ab hostili Neapolitanorum incurfu securos reddere satagebat.

Sæcul. XVI.
A.C. 1556.

§. XVII.

Caraffa Cardinalis unacum Strozio in Gallias profectus.

Quamprimum Strozius Pallianum validis ubique munimentis firmasset, confestim ad Caraffam Cardinalem Romam contendit, atque ambo Centumcellas, seu civitatem veterem versus viam aggrediebantur, comitantibus eos
quam

(*) Hæc urbs hodie Neptunum vocatur, exiguum oppidum ex Antii ruinis constructum, ac decimo lapide a Terracina distitum.